

Jém wiñtipic carta jém ijayñewiip Peto

Jém Peto ijáyáy jém Dios
ipixiñtam jém nicnewiip juumi

1 Ich aPeto. Acupiñne jém Jesucristo iga atsíy juuts tum apóstol. Siip manjáyáypa mimichítam miIsraelpic mipixiñtam, micupóyaytañwiip hasta jém tunḡac naxyucmi jém Ponto, Galacia, Capadocia, Asia y Bitinia. ²Micupiñneta jém tanJatuñ Dios. Tsam wiñigam ijodoñ Dios iga michíyítampa juuts jém imanictam. Dios iAnama micujicháyayta jém iñanama iga wiap iñwatta juuts ixunpa jém Jesucristo. Micupiñneta iga miwítsagayta jém iñánca con jém Cristo iñiipiñ. Siip aḡwágáypa Dios iga miwíwadaytámiñ y iga odoy iniitámiñ jém cobacpiji.

Tananjójóctámpa jém tiempo
iga Dios tawíwadaytámpa

³Tañcujíptámpa tanJatuñ Dios jém tánQmi Jesucristo iJatuñ. Dios tacnayxetta eybic porque tsam tayaachañjamta. Jeeyucmi iganam taiíffa yíp naxyucmi, tananjójóctámpa jém tiempo cuando nicpa taiífi con Dios. Tanjodoñ iga numa porque pis jém Jesucristo de juí íf jém caaneyajwiip. ⁴Dios taccáyayñe

tum wibic herencia siñyucmi. Da i wiap imiswat. Tum wibic cosa cuáyñe, da togoypa, dapic jex juuts tum moya iga xichpa. ⁵Mimichítam iñcupictámpa iga Dios wiap miyoxpáta, jeeyucmi miwattámpa cuenta con jém ipimi iga da ti iññascaaba hasta núcpa jém tiempo cuando taciaputtámpa. Siip wítsacneum itumpiy cosa. Jesic cuando núcpa jém iñañpigam jama, quejpa ti tawadaytámpa Dios.

⁶Jeeyucmi wi iga mimaymáyatámiñ mex iga siip waíciy mipoyyaachwattamtap, micutítstamtap. ⁷Cutítstap jém oro con jucti siiga nunta oro. Jesanetim mimichítam siiga iñyaachiytámpa cuando miyaachwattamtap, jesic quejpa iga numa iñcupictámpa Dios. Siiga iñyaachiytámpa, pero da iñchacpa jém Dios iñmaí, jesic cuando miñgacpa Jesucristo, miwípiçtsoñtámpa Dios, tsam micujíptámpa.

⁸Mimichítam tsam iñfoytámpa jém Jesucristo mex da iñixñeta. Da wiap iñixta, pero iñjodoñtam iga je wiap miyoxpáta. Jesic tsam mimaymáyata con jém wibic maymáyañi juuts jém itwiip siñyucmi, jém dapic wiap tanañmat

con yíp naxyucmipic aḡmaḡi.

⁹Mimichḡam iḡcupicneta jém Cristo, jeeyucmi Dios miciaçputneta.

¹⁰Jém wiñicpic aḡmaḡciwiñ nímaj iga Dios tsam ífoypa jém pixiñtam, núcpa jama iga iciaçputpa. Pero como da iwicutiyyiyaj, tsam iciipiyaj jeéim iḡmaḡi jém ijayñeyajwiip iga ijodóḡayajiñ tí nimtooba. ¹¹Jém Dios iAnama, jém tachiñewiip jém Cristo, icjodóḡa jém wiñicpic aḡmaḡciwiñ iga tsam yaachwattap jém Cristo yíp naxyucmi. Ocmi acpiḡap, nanicḡap siḡyucmi. Jeéim aḡmaḡciwiñ tsam iciipiyaj jém iḡmaḡi iga ijodóḡayajiñ i ināsaaba jempic y juchis naspā jexpic cosa.

¹²Dios iḡquejáy jém wiñicpic aḡmaḡciwiñ iga jém iḡmaḡi da para jeeyaj, pero para taichḡam. Siip mimichḡam impicḡonḡa jeéim aḡmaḡi cuando oy miḡmadayḡa jém iḡmatyajpáppic jém wibic aḡmaḡi con jém Dios iAnama ipimi, jém cutsatnetawiip yíp naxyucmi. Hasta jém siḡyucmipic pixiñtam ijodóḡatooba tí nimtooba jém aḡmaḡi.

Dios ixunpa iga taḡwawattamiñ yíp naxyucmi

¹³Jiḡstaami jutsap iḡwawatta juuts ixunpa Dios. Naiḡtaami jém wibic jixi inānāmanjōm. Odoys tsaci iga iniḡjóctámpa jém wibic cosa jém tajiyámāyñewiip Dios iga tachiiba porque tsam tatoypa. Tampicḡonḡa cuando miñgacpa yíp naxyucmi jém tánQmi Jesucristo. ¹⁴Siip wattaami juuts jém wibic tsixḡtam, jém icupicyajpaap jém iḡatuj. Tsactaami iga immalwattámpa

juuts jáy iḡwatta wiñic cuando danam inixpicneta Dios. ¹⁵ḡíḡam iḡwattámpa, wawattaami juuts tum wibic pixiñ juuts ixunpa Dios. Porque da taḡcaḡy ni uxaj jém tanJatuj Dios jém tacupiḡnewiip.

¹⁶Porque nimpa así jém Dios iḡmaḡi: “Tsaci itumpiy jém inḡḡaḡca iga cuáyin jém inānama porque ich da atāḡcaḡy ni uxaj.”

¹⁷Siiga nūma Dios inJatuj, jesic ciḡḡtaami iga immalwattámpa iganam miḡḡta yíp naxyucmi. Porque Dios iciipiyapa parejo itumpiy jém pixiñtam ḡíḡam iwatyaj.

¹⁸Michḡam injodōḡ iga Dios taciaçputta iga da más taḡwatpa jém malopic cosa yíp naxyucmi, jém dápic para tí wi, juuts iwatyaj jém tanjatujwewetam. Injodōḡtim iga da tayoḡáy tantāḡca con jém oro ni jém plata jém cuyajpáppic, ¹⁹pero tayoḡáy tantāḡca con jém Cristo inḡipiñ jém tsampic wi. Jém Cristo juuts tum cordero jém dápic iniḡ ni tum mancha ni dápic misane. ²⁰Wiñigam cuando danam iwatne yíp nas, Dios ijodōḡ iga jempigam iyoḡáypa jém pixiñtam itāḡca. Jesic ocmi cuando núctooba jém ināḡpigam jama, wiñquej jém Cristo iga tayoxpáttámpa. ²¹Tachiḡa jém jixi iga taḡcupictamiñ Dios jém icpisnewiip jém Cristo, ocmi ininic jém Dios iḡwimi. Jesic taḡcupicpa iga Dios icuḡtum wiap tayoxpát. Tananjóctámpa jém tiempo cuando nicpa taḡḡi con Dios.

²²Siip mimichḡam wiap inñuntatoyḡa jém inḡḡiwitam porque cuáyñeum inānama. Cuando moj iḡcupic jém numapic

añquímayooyi, jesic Dios iAnama miccáyáy ññamanjom jém naja y jém jooya. Jesic natoyfamtaji con jém ññiwitam con itumpiy ññanama y itumpiy impimi.

²³ Miñayxetnetámum porque ñcupicneta jém Dios ñmañi jém ñapic cuyajpa. Yíp jomipic vida, jém ñapic cuyajpa, ña jex juuts yíp naxyucmipic vida, jém cuyajpáppic, jém michiñewiip jém ññatuj.

²⁴ Nimpá jém Dios ñmañi:

Jém pixiñtam jém ityajwiip yíp naxyucmi jex juuts jém pim jém itwiip copjom.

Jém pixiñtam ipimi jex juuts jém pim imoya.

Titspa jém pim, túcpa jém imoya.

²⁵ Pero Dios ñmañi ña nunca cuyajpa.

Yíp añmañi jeetim jém miñmadayñetawiiip mimichám iga Dios taciaputtámpa.

2 Jesic tsactaami itumpiy jém malopic jixi. Odoy miñooyi, odoy nimanjaayaji iga ññiwatpa, odoy cunañooyi, odoy cufñooyi.

² Mijex juuts tum xutu tsixi jém yaguiñpic nay, tsam tsútstooba. Jesanéñim mimichám yaguiñ ñcupicneta Dios, jesic métstaami jém wibic añmañi, jém ñapic motne iñi con jém miñooyi. Jém añmañi tsam tayoxpátpa iga más y más wiap tanwatta juuts ixunpa Dios hasta núcpa jém jama cuando taciaputtámpa Dios. ³ Mimichám ññjodortam iga Dios tsam tatoypa.

Jém Cristo je jém wibic tsa

⁴ Siip cunúctaami jém tánOmi Cristo. Je juuts tum wibic tsa jém

tachiipáppic vida. Jém pixiñtam ipatsayyaj jém tsa, pero Dios icupij para je porque iix iga agui wi. ⁵ Mimichám mijex juuts jém tsaayaj para jém tic ññaana, pero iniñña vida. Jesic jicñaami iga Dios mipictámpa iga iwatpa tum imastic juñ itpa jém Dios iAnama. Jiici iga miccámpa Dios juuts tum mipanij iga ñcuyoxatámpa Dios. Jesic Dios iwianjam iga ññwatpa jempic porque Cristo mimiñchítam. ⁶ Nimpá así jém Dios ñmañi juñ jaychacne:

Ich antsac tum tsa jém naxyucmi Israel juñ mojpa anacteñ jém antic.

Agui wibic tsa, ich mismo añcupijne.

Jém icupicnewiip yíp wibic tsa, ña i wiap ichaawat.

⁷ Siiga ñcupictámpa, jesic ññjodortam iga tsam wibic tsa. Pero jém ñapic icupicpa, ññascaaba juuts nimpá jém Dios ñmañi juñ jaychacneta:

Jém iwatyajpáppic jém tic ipatsayyaj jém tsa.

Pero ocmi jeetim tsa pinja.

Siip jeetim tsa icóppacne jém tic.

⁸ Nimitim jém Dios ñmañi:

Jém pixiñtam ññepayjpa ipuy yíp tsaayucmi.

Yíptim tsa ipaccaaba jém pixiñtam.

Ññepa ipuy jém pixiñtam porque ña iwadap caso jém wibic añmañi. Dende wiñigam Dios nim iga togoyajpa jém ñapic icupicyajpa jém wibic añmañi.

Jém Dios ipixiñtam jém imiichipic

⁹ Mimichám micupijneta Dios iga mimiñchata. Miccámta juuts

mipanijtam iga iŋcuyoxatámpa jém aŋjagooyi Cristo. Michíyítámpa juuts tum wibíc mipixiñtam ápic táŋcaíy. Mimichítam jém Dios mimichífam. Micupinjamta iga iŋwattámiñ ifumpiy jém wibíc cosa jém iwatnewiip Dios. Miíopta jém piichcim, mininictamta jém juctiaŋtsocajom. ¹⁰Mimichítam wiñic da je Dios mipixiñtam, pero siip Diosam mipixiñtam. Wiñic da i miyaachanjampa, pero siip Dios miyaachanjamtámpa.

Taiíta yíp naxyucmi iga taŋcuyoxatámiñ Dios

¹¹Mantiwitam mantoyítampápic, mimichítam mijextam juuts jém pixiñtam jém nicpápic juumi porque danam miñucne jém inñicmi siŋyucmi. Siip maŋcunucsáypa iga odoy jiici iga jém malopic jixi micmalwatpa. Porque jém malopic jixi tsam iníŋapa jém inñanama. ¹²Iganam miífta jém tuŋgac pixiñtamanjom, jém ápic iixpicyajpa Dios, wiwattaami. Jesic siiga miñmáypa iga mich micriminal, núcpa jama iga iixyajpa iga numa iŋwíwatne y da ti mal iŋwatneta. Jesic jém tuŋgac pixiñtam tsam icuipyajpa Dios cuando núcpa jém jama iga iciiŋpa jém pixiñtam.

¹³Siempre cupictaami jém aŋjagooyiyaj, jém iccámneyajwiip jém pixiñtam, porque jempam ixunpa jém tánQmi Cristo. Taŋcupictámpa jém más mijpic aŋjagooyi, jém rey, porque je iniit jém más mijpic cargo. ¹⁴Taŋcupictámpafim jém gobernador jém iccámnewiip

jém rey. Porque accámta jém gobernador iga ichiñ castigo jém imalwatyajpaap y iga cujíptaiñ jém iwíwatyajpaap. ¹⁵Dios ixunpa iga iŋcupictámpa jém aŋjagooyiyaj porque jempam ininjiyajpa jém malopic pixiñtam, jém ápic jixiíy, jém mimalnmaypaap.

¹⁶Siip da más michíyfta juuts tum preso porque Dios miciacputnetámum. Micutsigayñetawum iga iŋwíwattámiñ. Jesic odoy jisi iga wi iga immalwattámpa juuts mich inñunpa. Siip cuyoxataami Dios juuts tum nunta esclavo. ¹⁷Wixtaami ifumpiy jém pixiñtam, odoy jóyixtaami. Natoytamtaji con tantiwitam jém icupicneyajwiip Cristo. Cíŋtaami Dios. Wixtaami jém rey.

Tanyaachíypa cuando tayaachwattap juuts iwat jém Cristo

¹⁸Miesclavotam, wixtaami jém inñomi. Siempre wattaami titam miñmáypa. Da no más iŋcupicpa jém wibíc pxiñ jém tsampic mitoypa, pero cupictaamítim siiga malo jém inñomi siiga tsam mipimíypa. ¹⁹Siiga chiitap castigo tum pxiñ cuando da ti iwatne y siiga iyaachíypa porque ijodon iga iixpa Dios, jesic wixtáp jém pxiñ. ²⁰¿Pero tiiga taŋcujíppa tum pxiñ siiga iyaachíypa cuando chiitap castigo iga imalwatne? Pero siiga michiitap castigo cuando iŋwíwatne y siiga inyaachíypa, jesic numa miwixpa Dios. ²¹Dios tacupinŋta iga taŋwíwattámpa y tannascaaba jém yaachaji porque jém tánQmi Jesucristo

tsam pimi yaachwattá taichám tañcuyucmi. Tatsagayá tum ejemplo iga tantúníypa jém Cristo y tañwattámpatim juuts je. ²²Je dá iwat ni tum táñca. Dá i imigóyáy. ²³Cuando tsam malnámáyá jém tánOmi Cristo, dá icutsoñ, dá imalnámáy jém ienemigoyaj. Cuando tsam pimi yaachwattá, dá icumec jém ienemigoyaj. Pero je ichagáy iga ichiñ Dios castigo porque ijodoñ iga iciipiñpa parejo. ²⁴Jém Cristo iyaac nachiiá iga accaata cunusyucmi iga tajoáy tantánca. Tapictsoñáy taichám tañcastigo imijtayyucmi iga tactsactámiñ jém tantánca, iga seguido tañwíwattámiñ yíp naxyucmi juuts ixunpa Dios. Accoowatá jém Cristo iga mimichám mipistámiñ. ²⁵Mimichám mijextim idic juuts jém borregoyaj jém togoñewiip. Pero siip mixettámum jém wibic pastorciim jut íf jém tawadaypáppic cuenta jém tánanama.

Añquímyajtap jém añcoomiyyajwiip

3 Jesanetim miyomtám mijaayiywiip. Siempre wattaami juuts miñmáypa jém iwíwádaya. Jesic siiga algunos dá icupictooba jém Dios inñmáfi cuando ininmadáypa, jesic núcpa jama iga icupicpatim Cristo ²cuando iix jém iyomo iga agui iwíwatpa porque iciñpa Dios y iwíixpatim jém iwíwádaya. ³Odoy cusúniyi jém wibic cuyajcuy, jém wibic puctucu y jém cosa de oro. Odoy meetsi jutpic inñwítsacpa jém inñway iga micusúniyiñ jém píxiñtam. ⁴Pero wí iga miixátp

porque wibic miyomo y wibic jixi iniif inñanamañjom. Jém wibic jixi dá togoypa juuts jém cuyajcuy. Siiga dá mimalo y dá michofi, jesic Dios más iwíañjam que jém cuyajcuy de oro. ⁵Jesanetim wiñgam jém wibic yomtám, jém icupicneyajwiip Dios, iniifayjtim jém wibic jixi inñanamañjom. Seguido iwatyajpatim juuts inñmáypa jém iwíwádaya. ⁶Jempictim iwat jém Sara. Icupictim jém iwíwádaya jém Abraham. Inñmáypa jém Abraham iga: Mánomi. Siip mimichám micháyátampa juuts jém Sara iyommanictám siiga seguido inñwíwattámpa y dá ti inñcñtámpa.

⁷Jesanetim mipixiñtam miyoomiywiip, wináifi jém inñyomo juuts tum píxiñ jixiywiip. Wiídaji jém inñyomo. Jístaami iga jém yomtám dá jex ipimi juuts tum píxiñ. Jístaamítim iga inñcuistictám inñwagapictsoñtámpa títam tajíycámayne Dios, jém vida jém dápic cuyajpa. Porque siiga dá inñwíwadáypa jém inñyomo, jesic dá wiap inñwíwajpáta Dios.

Yaachwattá jém Cristo iga iyoxpátpa jém táñcaiywiip

⁸Siip manmáymátpa inñtumpiyám. Naífaami tumtí jixi con jém tantíwítam, natoytamtaji juuts miñuntatíwítam. Yaachanjámtaami jém yaachayajpáppic. Odoy nacujíptaji inñyaac. ⁹Siiga i mimalwadáypa o mimalnámáypa, odoy cianseedayí. Más wí iga tañwíwadáyiniñ jém tamalwadaypáppic porque cuando Dios tacupin, tajíycámáy iga tawíwadáypa. ¹⁰Nimpa así jém Dios inñmáfi:

Siiga in̄wattooba jém wibic cosa
yíp naxyucmi,
siiga in̄xunpa iga miwíidiñ,
jesic tsaci iga immalnímáypa
jém in̄íwítam.

Odooy migooyi.

¹¹ Tsaci iga immalwatpa, siempre
watí jém wibic cosa.

Meetsi con itumpiy in̄anama
jutsap in̄winanigáy jém
in̄íwítam.

¹² Porque Dios siempre iixpa jém
iwíwatyajpaap.

Iwatpa cuenta.

Imatonpa Dios cuando
in̄wejpátyajpa.

Pero ijóyixpa jém
imalwatyajpaap.

¹³ ¿I mimalwadáypa siiga
in̄wíwatpa con itumpiy in̄anama?

¹⁴ Pero siiga miyaachwattap
porque in̄wíwatpa juuts ixunpa
Cristo, jesic maymáyají porque
Dios miwíwadáypa. Odooy ciji jém
micumecpaap. Odooy wadaayi caso.

¹⁵ Siempre jistaami in̄anamajjom
iga jém Jesucristo je tánOmi.

Íttaami listo iga in̄cutsonpa cuando
i micwácpa tiiga in̄jodor iga
Dios miwípictsonpa. Pero wixi,

chocoymi an̄madaayi. Jistaami
iga Dios taixtámpa.

¹⁶ Siempre wíwati iga dá in̄jispá iga mitáncafy
in̄anamajjom. Jesic siiga i

mimalnámáypa, tsam tsaayajpa
cuando ixáp iga siempre in̄wíwatpa
juuts miñquejayñe jém tánOmi

Cristo. ¹⁷ Siiga Dios ixunpa iga
miyaachwattap cuando in̄wíwatpa,
jesic íf wí. Pero dá wí siiga
miyaachwattap porque immalwatne.

¹⁸ Tsam pimi yaachwattá jém
tánOmi Cristo. Accaata iga

tayojayfa tantánca tuñciy para
siempre. Accaata jém wibic pixiñ
iga iyojáy itumpiy jém malopic
pixiñtam itánca iga tananictamtaiñ
Dios iwinjom. Accaata jém Cristo
imijtay, ocmi pis, eybic ipictson
ianama. ¹⁹ Cuando ca jém imijtay,
oy in̄madáy jém wibic an̄mafi
jém caaneyajwiip juť pajneyajta.

²⁰ An̄madayyajta jém pixiñtam
ianamayaj, jém dapic icupicyaj
wiñgam cuando jém Noé iwat
jém mijpic barco. Jeeñim tiempo
cuando Dios tsam iyaacháy
iganam in̄jóctip iga ichacyajiñ jém
pixiñtam iga imalwatyajpa. Pero
dá watí ciiputyaj solamente ocho
jém pixiñtam y yomtám. Cuando
miñ jém mijpic niicoma, ciiputyaj
jém niwiñpacyucmi. ²¹ Jesañetim
siip jém ni tayoxpátpa iga
taciaputtámiñ cuando tacchintamta
niicim. Dá tacchintamta iga cuáyíñ
tannaca. Pero cuando tacchintamta,
tanwágáypa Dios iga tawítsagáyíñ
tantánca. Tanjodor iga wiap
tawadáy Dios porque icpis jém
tánOmi Jesucristo. ²² Siip nicne
siñyucmi jém tanJatun Dios in̄wimi
juť accámta iga jém más mijpic
anjagooyi iga in̄jaguíñ itumpiy jém
siñyucmipic pixiñtam y itumpiy
jém an̄jagooyiyaj, jém ityajwiip
juťquej.

Tañcuyoxap Dios con jeeñim pimi jém tachiin̄ewiip

4 Tsam yaachwattá jém
tánOmi Cristo cuando oy ití
yíp naxyucmi. Jesic mimichfam
naiftaamifim jeeñim jixi juuts
jém tánOmi Cristo. Jíctami iga
miyaachwattamtap, jesic quejpa

iga inñacneum jém inñánca. ²Siiga jempam tanwattámpa, quejpa iga tasiitámpa yíp naxyucmi juuts tum pixiníñ dapic icupicpa jém malopic jixi, pero tanwattámpa jém witampic cosa juuts iwianjam Dios. ³Siip cusum inwatta juuts iwianjamyaj jém tungac pixiníñtam, jém dapic icupicyajpa Dios. Tsam pimi immalwatne idic. Tsam inçusúníypa idic jém malopic yomtam y jém tungac malopic cosa. Tsam idic miucpa, tsam mixínjap. Tsam miuquiap con jém ucyajpáppic pixiníñtam. Tsam inñjisa idic jém watnas jém ijóyxpáppic Dios. ⁴Siip jeetim pixiníñtam jém inñamigoyaj idic, agui mipooñanjamyajpa porque da eybic inwattámpa itumpiy jém malopic cosa juuts inwatneta idic. Jeeyucmi tsam mimalnámayyajpa. ⁵Pero núcpa jama iga nanicyajtap jém Dios iwiñjom iga quejin jém itánca juí ciipinyajtap itumpiy jém malopic pixiníñtam jém ityajwiip vivo y jém caaneyajwiip. ⁶Jeeyucmi anmadayyajtatim jém wibic anmatí jém pixiníñtam jém caaneyajwiip cuando vivoyaj. Ciipinyajtap jeeyaj juuts itumpiy jém pixiníñtam jém ityajwiip yíp naxyucmi, pero Dios iciacputpa iga nícpa itiyaj inanamayaj juí it Dios.

⁷Siip núctooba jém inñanpic jama cuando cuyajpa itumpiy cosa. Wí iga mijixiytámiñ, ittaami al tanto, anwejpáttaami Dios. ⁸Pero más ixunpa Dios iga tanatoytamtáñ con jém tantíwítam. Porque siiga numa tantoypa jém tantíwi, wiap tanwadáy perdón jáyan jém itánca. ⁹Wípictsonjtaami jém

tantíwítam, jém miñneyajwiip juumi. Acwíctaami, chiifaami lugar juí monpa. Odoy cuyíyaami. ¹⁰Cada tumtum de mimichfam michiineta Dios tum pimi iga wiañ inwatta jém Dios iyoxacuy. Jesic con jeetim pimi cuyoxataami jém inñíwítam juuts tum wibic miyoxaciwiñ porque cada tumtum tachiitamtá tungac jém yoxacuy. ¹¹Jesic siiga wiap ininmat jém Dios inmatí, anmatí juuts tum jém Dios inmatciwiñ. Siiga inçuyoxap jém tantíwítam, wíwadaayi con itumpiy impimi, jém michiinewiip Dios. Siiga jempic tanwattámpa, jesic tsam cujíptap jém tanJatun Dios porque tançupictámpa jém tánOmi Jesucristo. Wí iga tançujíptámiñ jém tanJatun Dios para itumpiy tiempo porque je iniit itumpiy ipimi. Amén.

Jém Dios ipixiníñtam wiap iyaachiyyaj jém yaachaji

¹²Mantíwítam mantoytámpáppic, odoy ámanjactaami cuando inñascatámpa jém mijpic yaachaji iga micutítstamtap. Odoy jisí iga jém Dios ipixiníñtam da inñascayajpa jém yaachaji. ¹³Pero maymáyataami cuando inñascatámpatim jém yaachaji juuts inñascane jém tánOmi Jesús. Porque núcpa jama cuando tsam pimi mimaymáyatámpa cuando miñgacpa yíp naxyucmi jém tánOmi Jesucristo con itumpiy ipimi. ¹⁴Siiga tsam mimalnámaytáp jém tánOmi Jesucristo icuyucmi, jesic maymáyataami porque iniit jém Dios inñanamajjom jém tachiipáppic jém Dios ipimi. ¹⁵Pero da wí siiga miyaachwattamtap

porque iga miccaóypa, miñúmpa, immalwatpa o iga miñiyígiycúmpa jém tuṅgac pixiñ iasunto. ¹⁶Pero siiga algunos de mimichfam miyaachwattamtap iga micristiano, jesic odoy tsaaji, mas tanjucúptampa Dios porque tanaif jém Cristo iñiyi.

¹⁷Núcneum jém tiempo iga moypa iciipij Dios jém ipixiñfam jém imiichipic. Siiga taciipintampa taichfam, jém Dios tamichifam, ¿jesic tí iñascayajpa jém malopic pixiñfam jém dapic icupicyajpa jém Dios inmati? ¹⁸Nimpa jém Dios inmati:

Tsam tánca iga ciacputyajtap jém wibic pixiñfam.

Jesic jém malopic pixiñfam jém dapic icupicpa Dios tienes que ipictsonyajpa jém mijpic castigo jém dapic cuyajpa.

¹⁹Jeeyucmi manmáypa siiga miyaachwattamtap porque jempam iwianjam Dios, jesic seguido wíwattaami, cupictaami iga Dios wiap miciaputta. Tanjodotj iga jém tanjatutj Dios, jém iwatnewiip itumpiy cosa, siempre iccupacpa juuts tajycamayne.

Anquímyajtap jém icupicneyajwiip Cristo

5 Jesic miwidayfam, jém ininjactampáppic jém Dios ipixiñfam, siip mananquímpa. Ich anaifim jexpictim cargo juuts mimichfam. Ich ánixne cuando tsam yaachwatta jém tánQmi Jesucristo. Ich ananjócpaifim jém tiempo cuando wiñquejpa eybic jém tánQmi Cristo con itumpiy ipimi. ²Wattaami cuenta jém Dios

ipixiñfam jém anjuumayajpáppic juñ miiffa, jex juuts tum wibic pastor iwatpa cuenta jém iborregoyaj. Wattaami jém Dios iyoxacuy porque injwianjamta, juuts ixunpa Dios, da porque mipimiyfamtap, ni porque incoñwiyfamtooba tumiñ. Wattaami jém inyoxacuy con itumpiy inanama. ³Odoy piimiyi jém impixiñfam juuts tum malopic anjagooyi. Pero wíwattaami mimichfam iga miixyajiñ jém impixiñfam iga injwíwatpa. ⁴Jesic cuando wiñquejpa jém Cobapic Pastor, jém tánQmi Jesucristo, michiifamtap jém wibic corona jém dapic cuyajpa. Miwagaifftampa jém wibic juctianjtsocajom.

⁵Jesaneim mimichfam jém dapicnam michamifam, wattaami juuts nimpa jém wídaytam jém ininjagooyiyaj. Jistaami injumpyfam jutsap injwíwadáy jém injwítam. Odoy jisí iga más miwiap que jeeyaj. Porque nimpa jém Dios inmati:

Dios da iwipictsonpa jém pixiñfam jém tsampic nacujiptap iyaac, pero tsam iyoxpátpa jém pixiñfam jém dapic nacujiptap iyaac.

⁶Jesic costeeñaayi jém Dios ipuycim. Jiici iga minjacpa jém tanjatutj Dios porque núcpa jama iga miwíwadáypa. ⁷Odoy iniidiñ jém cobacpiji. Odoy jisí tí inñascaaba. Cijjuncodaayi itumpiy jém invida jém tanjatutj Dios iciijom porque tsam tawattampa cuenta.

⁸Jixiíyaami, iftaami al tanto porque jém tánenemigo jém

Wocciwiñ siiba nocojom juuts tum mijpic caḅ agui pĩmpa. Tsam imétspa tí iciispa. ⁹Odoy jiiici iga jém Wocciwiñ micmalwatpa. Seguideo cupiici iga Dios wiap miyoxpát. Jodónataami iga jém icupicneyajwiip Cristo icuwiíi yíp naxyucmi, iñascayajpaíim jeefim yaachaji juuts iññascatámpa mimichítam. ¹⁰Da jáypa miyaachwattamtá hasta que jém tanJatuj Dios, jém tsampic tatoypa, iyaac miyoxpátámpa. Michiiítámpa jém wibic jixi iga da tí mitogóyáypa, iga da i wiap mictsac jém wibic aḅmaíi. Michiiítámpa jém ipimi iga odoy i wiañ micmalwat iga seguideo iḅwawattámpa juuts ixunpa Dios. Miḅwejayñeta iga miwagaíííamíñ con jém tánOmi Jesucristo juí íf jém wibic juctiaḅtsoca jém dápic cuyajpa. ¹¹Wi iga taḅcujíptamiñ jém tanJatuj Dios para íḅmpiy

tiempo porque je iniíí íḅmpiy ipimi. Amén.

Aḅquĩmyajtap jém pixiñtam

¹²Siip maḅcutsadáypa yíp toto con jém tantiwi Silvano. Ich anĩmpa iga wibic pixiñ. Da juchaḅ manjáyáy iga manañquĩmpa tí wiap iḅwatta. Manañmadáypa iga iniíííamíñ jém numapic tóyooyi jém tachiiñewiip Dios. Jesic odoy tsactaami jém numapic tóyooyi.

¹³Jém Dios ipixiñtam, jém ítyajwiip yim jém attebet Babilonia, miccutsadáypa waíidios. Jeeyaj cupiḅneyajtaíim juuts mimichítam. Midioschiibatim jém Marco jém tsíyñewiip juuts ich ammanic.

¹⁴Mimichítam nadioschiíamtaji con tum aḅnacatsuuchi juuts tum seña iga minitoýíamtap. Siip mimichítam jém Cristo mimichíam. Naiíítaami jém wibic jixi iñañamanajom iga odoy tí iḅciḅtamiñ. Jenum cuyaj.